

楊炎于邵

竹居攷廬

全唐文
卷四百二十一之四百二十四

楊氏年譜

竹居致康

金唐先生遺集

欽定全唐文卷四十一 目錄

楊炎一

靈武受命宮頌 并序

鳳翔出師紀聖功頌 并序

大唐河西平北聖德頌 并序

王縉兼幽州節度使制

杜鴻漸兼東都留守制

諭梁崇義詔

請行兩稅法奏



請留崔寧以收蜀奏

言天下公賦奏

河西節度使廳壁記

河西節度使杜公碑

大唐燕支山神寧濟公祠堂碑

靈旌愛命詔額

唐文卷四百二十一

楊炎

字公南鳳翔天興 肅宗朝禮部郎中知制誥

舍人德宗立拜門下侍郎同中書門下平章事轉中書

郎罷爲左僕射貶崖州賜死年五十五後詔復官謚肅

左丞孔殘駁之更曰平厲

靈武受命宮頌

并序

臣聞享天降命惟德也戡難奉時惟聖也必有非常之運

是與撥亂之功以蒼生爲憂不以濡足爲患以寧濟爲業

不以修身爲道此陶唐所以捨而不畏舜禹所以受而不疑靈武舊宮皇帝躍龍之所日者奸臣竊命四海蕩波我聖皇天帝探命歷之數啟龍圖作受命之書付與我皇帝皇帝方遊崆峒以求至道於是羣公卿士負玉旒金璽望氣於芒碭之野三進於閭闔之中曰臣聞在昔蚩尤連禍大盜中國神農氏兵莫能勝天降元女敕軒轅氏大定其災厥後堯有九州之害而命禹禹以四海之功而受舜陛下主鬯大位十有九年精爽者皆美德馨乾坤也必聞幽贊元德上達景福有歸六聖覩命歷之期兆人有臨難之

請陛下畏災運而不取棄黎元而不顧以至仁爲薄以大
寶爲輕臣等若不克所請與億兆之衆將被髮拊膺號於
天而訴於帝矣皇帝唯然改容曰豈人心與丁卯廣平王
倣太尉光弼司徒子儀尚書左僕射冕兵部尚書輔國與
北軍將士西土耆老萬五千人排闥以訴帝曰今豺狼穴
居宮闕陛下兆庶爲餌宗廟爲墟若臣等誠懇未通是高
祖不歆於太廟且陛下涉渭則洪流涸迴鑾則慶雲見布
澤而川池廣勤道而嘉禾生靈祇髣髴元貺幽感臣聞符
命待聖而作天運否終而會歲蕤盱蠻會也睿武英明聖

也臣等敢昧死上聞帝乃灑齋宮啟金匱嗚咽拜受詔有
司大赦天下改元曰至德元年尊聖父爲文武大皇帝是
日煙雲變作士庶踴躍黃龍見於東郊紫氣滿於天門翌
日也數百里衣裳會兼旬也數千里朝貢會踰月也天下
兵車會浹時也四方戎狄會以一旅成百萬之師率胡夷
平社稷之難禮郊祀戴聖皇與人合誠心以氣消天癘動
罔不吉歆無不報是以白鹿擾於王庭靈芝產於延英化
動而功成淵默而頌聲言禪代者陋蒼梧易姓之名語嗣
守者羞陶唐積善之辱述戡定者歎四紀而復夏美中興

者雖四七而滅新於戲神祇之所歸往品物之所法象

非肥於尺水仗大義而東向矢謨發號實在茲都願篆石

宮庭以垂萬古俾過山澤知風雨之奧窮造化識天地之

蘊臣炎稽首敢獻頌曰

赫赫河圖啟天之祐雲從億萬皇在九五惟昔陶唐克傳

舜禹濩也武也夫何足數彼妖者勃惟暴惟貪天實即命

人將不堪皇曰內禪於再於三盡武之善去湯之慙兵車

百萬洶洶雷震橫會九州爲行爲陣恃力者踣從命者順

孝以奉天神而撫運至德唐堯崇功大禹皤皤北叟垂白

而覩沛邑空歌周原已古排律頌聲永介茲土

鳳翔出師紀聖功頌

并序

舜有兩階之舞周有孟津之會皇帝有岐陽之蒐德莫勤
乎安國勛莫配乎立極利萬物莫近乎去暴蓋受天元符
與人請命冥契相合億兆有歸以昌則感神鬼之心以征
則去雲雷之難維唐七葉姦臣犬吠於二京皇帝龍鳴於
河北觀兵雍上建都發號以朝萬國心嚮天地志通幽昧
精四達大造元成於是巢山駕海之羣狼羆鳥章之君
期而趨於闕下者四十有三萬元帥廣平王儼太尉光

弼司徒子儀等稽首言曰臣聞天啟聖以俟時聖感時而
赴難非神功不能當大運非元德不能合人心故軒轅之
道也伏蚩尤宗周之仁也稱初_初陛下之德大瑞於人和
人和而動天天與和合氣百姓因之以獨化四夷因之以
子來王師得之以貞勝意者河洛僊怨後東征之期人靈
駿奔望西狩之禮天子方齊寶輅講金匱之書翌日霓旌
武賁大車之輪黃鉞靈鼉彤弓太阿荆韓楚魏之廣七閩
五獠之長金鼓百萬車徒九合大陣於東郊皇帝建白旄
以誓於軍曰維高祖歆於上天四宗重光照臨下土百有

五十祀至於聖皇總武之干戈備文之法象蕞爾逆虜敢
迷天紀盜我符璽黷我威靈使四海之內兵革縱橫肝腦
塗裂昊蒼降鑒錫命於予俾續夏已墜之功寬堯未刑之
族於戲余匪玉帛山河是愛惟蒼生災害是憂匪天命威
力是憑惟人心忠義是保咨爾張目成天羅植髮成千櫓
布和成將帥厲氣成風雲若作進退爾惟旗鼓若斷首尾
爾惟常蛇若戮鯨鯢爾惟千將若拯沉溺惟巨艦夏有
一旅之衆武有十人之謨志定金石信誓爾其念哉
是時天威動六合兵氣連太白乾坤爲之塊軋河嶽爲之

振蕩彼狐鳴鑿齒之徒不崇朝而聲反於謳歌形歸於蹈
舞者幾過半矣故鄴杜之師以形勝灞上之兇以威逐桃
林之陣以奇破河洛之孽以氣摧帝乃開天牢迴豹尾陵
顥氣掃欃槍應龍秉鉞元女侍坐乃考夏氏配天之義備
漢皇建武之典雲髦玉輅山動地踴降自西雍幸於京師
萬姓前導百靈爲衛布德澤望陵寢悲黍稷之將秀覽城
闕之爲墟以雷雨洗川澤以皇風清怨怒以大賞議勤勞
以成功告宗廟以祥刑去輦昧以惠政哀困窮清蹕而奉
聖皇稱觴以朝前殿於是東國耆老長安士庶排玉輅入

天庭動千門呼萬歲煙雲下遶林藪山迴神靈頌於堂精
魄感於廟王侯慶於國父子洽於家鐘石反於懸壘俎陳
於席華戎踴躍喜氣磅礴日退三舍天聲萬里神謀不得
窺其與天道不能後其時斯一會之略也然後動變化爲
鑪假仁義爲途陶氣象鑿耳目與人合司契以道浸澆醜
全屏象之形斷珠玉之脰然後以景星燭夜甘露清氣昇
閭風對天姥捨鴻名以還太素乘大厯而統人紀俾不思
而降不祭而歆以元和感生淳古於是宰臣聚而言曰主
上以神武清難至德遠人崇勛絕瑞光照萬古開闢日月

於今六年百姓豈忘功於帝乎人臣盡謝生於天乎請相
與鑿石於誓師之場告成於得眾之地斯王道之盛典臣
炎稽首敢獻頌曰

天命帝兮蕩妖昏交風雨兮會秦門惟聖德兮漫海外五
單于兮勇士會俗鳥獸兮家雲島越浮山兮泛青草徵羽
騎兮列天營啟金滕兮賜長纓日爲車兮雷爲鼓醢鯨鯢
兮掃煙雨開明堂兮饗文祖帝爲皇兮后爲母歌雲臺兮
冊玉府篆穹石兮駕終古

大唐河西平北聖德頌

并序

維唐至德二年春正月武威郡胡泊九蕃夷落內伺師旅
之間外合狼豕之兇據金城害州伯蛇變交戟之下炎焚
大澤之中二月乙丑皇帝以五命之服詔太僕崔倂總中
權專上將誓軍前之士卻城下之盟又命內常侍劉日新
振鼓鐸之音護羌戎之長林竦蝟合會於東郊粵庚午高
牙大旆鐵馬長鑕歟以清笳陣以雲蛇列於四衝蓬頭執
戟鼓以靈囂進於逵路趨悍獷猱虎裘猿臂北陵於土門
之隊鉤車雲梯强弩堅楯齊傳於西峰之亭於是引熊虎
之師杖龍蛇之劍矛戟四起煙塵火色金鼓一振天地徘徊

徇血亂元黃聲囂瓦屋是風雲皆入陣彼草木盡爲兵日
月垂照於窮鄉皇靈赫臨於外名王貴馬大玉文貝素
女錦衣百金之產萬井之資皆委於入貢之府布於有地
之宮是時也千人踊萬人賀美太階之符見頌偃伯之議
興特進金城太守李萬頃洎五邑長吏軍政大夫等言曰
蓋聞王命先天以奉時賢臣合統以偕運靡乘乎帝籙不
能撥亂罔應乎間氣不得遭逢故大人之作必先靖難以
摧兇取暴爲治國以任賢仗能爲建功磅礴乎茅茨之下
葳蕤乎元古之上使軒轅得之以勝蚩尤大夏得之以勝